

Акафист преподобному Амвросию Оптинскому

Кондак 1

Избранный угодниче Божий и чудотворче, великий старче Амвросие, Оптинская похвало и всея Руси дивный наставниче, прославляюще твое в подвизех изрядное житие, приносим ти многохвальное пение, ты же, яко имеяй дерзновение ко Господу, молися о всех нас, чадах твоих, со умилением зовущих: Радуйся, преподобне Амвросие, богомудрый учителю веры и благочестия.

Икос 1

Ангельскому житию подражая, отвергл еси вся красная и скоропреходящая тленнаго мира сего и стопы своя направил еси к духовному учителю и прозорливцу старцу Илариону, да наставит тя на путь истиннаго жительства и благословит на подвиги спасения. Он же, провидев грядущее твое богоугодное житие, посла тя в обитель Оптину, и тамо ты обрел еси себе доброе пристанище. Сие увидевше таковое Божие изволение о тебе, глаголем сичева: Радуйся, Богом избранная отрасле благочестия родителей; радуйся, измлада лет твоих Господа возлюбивый. Радуйся, к книжней мудрости усердие от юности имевый; радуйся, святых отцев духоносное учение познавый. Радуйся, скорогибнущих благ мира сего отвержение; радуйся, нетленных сокровищ неослабное желание. Радуйся, Божия произволения о спасении души твоя искавый; радуйся, благословение на путь монашеский получивый. Радуйся, преподобне Амвросие, богомудрый учителю веры и благочестия.

Кондак 2

Видя сердца твоего благое намерение, Христос предначерта узкий и тернистый путь твоего спасения и, егда был внезапно на смертном одре болезни, даде Господу обещание: аще исцелит тя, всего себе предати подвигом иночества. Востав же по милости Божией с одра болезни, абие прославил еси всещедрого Бога, Врача душ и телес, зовя: Аллилуия.

Икос 2

Разум Божественных писаний стяжав, в страсе Божиим помышлял еси, како Господь устроит грядущий путь твоего спасения и како вступити на стезю

многотрудного и скорбного монашеского жительство. Мы же, дивящиеся твоему благому намерению, воспеваем ти: Радуйся, на Бога Промыслителя всю надежду возложивый; радуйся, токмо Его благоизволения взыскавый. Радуйся, всякое испытание во спасение души понести готовый; радуйся, совести своея велению последовавый. Радуйся, увеселения мирская возненавидевый; радуйся, богатства земная невозлюбивый. Радуйся, Богу единому поработати всего себе подвигнувый; радуйся, Тому точию угодити восхотевый. Радуйся, преподобне Амвросие, богомудрый учителю веры и благочестия.

Кондак 3

Силою любви утверждаяся, в вере поревновал еси Евангельское житие стяжати по образцу преподобных отцев Церкви древняя. Егда же даде ти Господь разумение сего благоугождения, воспел еси со умилением: Аллилуия.

Икос 3

Имея крепкую веру во благое промысление Божие о спасении человека, притекл еси к честному образу Пресвятыя Богородицы «Тамбовская», еже бысть тебе благословение родительское, и смиренно молил еси Владычицу, да управит путь твой. Мы же, видяще твое неотступное упование на милость Царицы Небесная, поем ти: Радуйся, Божия Матере верное и возлюбленное чадо; радуйся, Ея священнаго покрова силы тайное постижение. Радуйся, благословения родительскаго чрез Ея образ добронравный хранителю; радуйся, Заступницы усердная благоговейный почитателю. Радуйся, многочастне в нощи молитвы к Ней слезно возносивый; радуйся, небесная помощи от Нея непостыдно восприемый. Радуйся, тако утешение в сердце своем обретый сладостное; радуйся, яко умиление приял еси благодатное. Радуйся, преподобне Амвросие, богомудрый учителю веры и благочестия.

Кондак 4

Бурею помышлений движимый, пришел еси в обитель преподобнаго Сергия Радонежскаго, да укрепит твое сердце на подвиги предстоящаго иноческаго поприща всея России чудотворец и учитель монашескаго делания, преизливающий от раки своих честных мощей токи благодатная помощи. Умилился же тамо сердцем, взывал еси с радостию: Аллилуия.

Икос 4

Слыша велие житие и благочестие богомудрых отцев и старцев Оптины пустыни, тайно оставил еси мир и вся, яже в нем, и пришел еси необинуяся в обитель сию в смирении души, во еже спастися и угодити Богу. Мы же, видяще вящую ревность души твоя, приносим ти хвалебную песнь: Радуйся, тленные блага мира сего ни во чтоже вменивый; радуйся, сладость церковную познавый. Радуйся, во обитель святую вселивыйся; радуйся, всего себе Богу отдавый. Радуйся, заповеди Божия неленостно исполнивый; радуйся, плоды Христова учения сладце вкусивый. Радуйся, подвигов святых отцев ревнителю; радуйся, чистоты душевныя неусыпный хранителю. Радуйся, преподобне Амвросие, богомудрый учителю веры и благочестия.

Кондак 5

Богозданная пустынь прия тя, яко во объятия отча, в нюже кротко вселился еси и тамо первее понесл еси труды послушания в келлии великаго старца богопросвещеннаго Льва, им же наставлен был еси к духовному деланию. Уведев же сладость отречения воли своея, возопил еси: Аллилуиа.

Икос 5

Видяще твое иноческое преуспеяние, облекоша тя отцы пустыни в ризы схимы великия. И сподоби тя подвигоначальник Христос благодати ангельскаго чина приобщитися, сего ради вопием ти: Радуйся, всем сердцем Бога возлюбивый; радуйся, всею душею Ему послуживый. Радуйся, веру чрез многия труды непреложно утвердивый; радуйся, надеждою на помощь свыше себе вооруживый. Радуйся, любве Евангельския сокровище; радуйся, Духа Святаго вместилище. Радуйся, подвигов монашеских воине доблественный; радуйся, равноангельскаго жития подражателю предивный. Радуйся, преподобне Амвросие, богомудрый учителю веры и благочестия.

Кондак 6

Проповедник православныя веры и истиннаго жития во Христе Иисусе явился еси, противныя Евангелию и Церкви учения отрицая, и многия от пути заблуждения обратил еси ко Христу Жизнодавцу, поя благодарственно: Аллилуиа.

Икос 6

Возсиял еси, яко свеща многосветлая, в земли Российской, просвещая всякаго человека, приходящаго к тебе, светом истины, людие же, обремененнии грехми и скорбьми многими, обретоша в тебе богоразумнаго наставника благочестия и добраго отца всем немощствующим, страждущим и уничиженным, воспевающе таковая: Радуйся, светильниче православныя страны Российской; радуйся, зеркало Божественныя любви. Радуйся, столпе веры апостольския; радуйся, камению надежды жизни вечныя. Радуйся, наставниче во всяких обстояниях боговдохновенный; радуйся, проповедниче покаяния рачительный. Радуйся, врачу недугов телесных; радуйся, целителю болезней душевных. Радуйся, преподобне Амвросие, богомудрый учителю веры и благочестия.

Кондак 7

Хотя последовати Самому Христу, подражал еси Ему всеусердно, взял иго Его на себе, и, научився от Него кротости и смирению, обрел еси покой души своей, зовущей присно: Аллилуия.

Икос 7

Новая и дивная звезда святости явился на небе церковнем, егда восшел еси по лестнице духовней к совершенству ангелоподобному, простерл еси лучи любви своея по лицу всея земли русския и привлекл еси к себе знатная и хутородная, мудрая века сего и немудрая, вопиющая к тебе сицевая: Радуйся, граде, верху горы стояй; радуйся, светило, мрак неведения прогоняющее. Радуйся, вся немощная врачуй; радуйся, от бед и прельщений вражеских избавляй. Радуйся, печальных утешителю; радуйся, жаждущих духовный напоителю. Радуйся, хитрословеснаго мудрования века сего обличителю; радуйся, многих заблудших на путь истины исправителю. Радуйся, преподобне Амвросие, богомудрый учителю веры и благочестия.

Кондак 8

Странником и пришельцем в земном мире предстал еси, взыскующим града небеснаго, и понесл еси тяготы и немощи ищущаго у тебе помощи ближняго, и тако исполнил еси закон Христов, поя с благодарением: Аллилуиа.

Икос 8

Весь огнем Божественная любви исполненный, крест многотрудный болезней телесных пронесл еси чрез все твое иноческое житие, в терпении стяжав душу твою, по слову Евангелия Христова, и всех нас научил еси безропотному крестоношению, зовущих ти: Радуйся, вождю ищущих спасения; радуйся, образе истинного послушания. Радуйся, сам тяжкие недуги до конца претерпевый; радуйся, приходящая к тебе в болезнях и печалех терпению научивый. Радуйся, паствы твоя изрядный душепопечителю; радуйся, алчущих жизни вечной питателю. Радуйся, обидимых покровителю; радуйся, непокорных воли Божией вразумителю. Радуйся, преподобне Амвросие, богомудрый учителю веры и благочестия.

Кондак 9

Все естество человеческое в болезнях и телесных немощех испытал еси, плоть распяв со страстями и похотьми, и молитвою неустанною отгонял еси напасти и искушения лукавых духов и тем вся научал еси противостати кознем диавольским, взывая с верою: Аллилуиа.

Икос 9

Витийства суемудрых, не ведавших силы веры православных, отметал еси словом Божиим и чистым житием твоим, и воистину возсиял, яко светозарный столп благочестия и хранитель святоотеческого предания, усердно прелагая древняя писания отцев в письмена удобообразумительная. Мы же, дивящиеся трудом твоим, воспеваем сице: Радуйся, веры правая адаманте; радуйся, жития по вере крепосте. Радуйся, духа благочестия насадителю; радуйся, добродетелей христианских сеятелю. Радуйся, подвигов старчества преуспеяние; радуйся, множества иноков духовное просвещение. Радуйся, приведи тех ко спасению; радуйся, обративый многия грешных к покаянию. Радуйся, преподобне Амвросие, богомудрый учителю веры и благочестия.

Кондак 10

Спастися взыскующим Царства Небесного вспомоществуя, верный путеводитель явился еси, мирския и духовныя управляя; в конец лет своих многия труды положил еси, обитель Шамординскую убогим устроая, да сестры твоя обретут душевный покой и спасение, воспевающе песнь хвалебную: Аллилуиа.

Икос 10

Стена и прибежище был еси чадом твоим, молитвами неусыпными от демонских наваждений охраняя; на невидимую брань с духи злобы их вдохновлял еси, гордость и славолубие смирением упраздняя, темже радуящися, зовем ти: Радуйся, стрелы вражия угасивый; радуйся, демонския полки победивый. Радуйся, пленных от духов злобы свободивый; радуйся, из темницы страстей многия души изведый. Радуйся, любовью и молитвами заблуждшия к Богу обративый; радуйся, сирот и вдовиц добрый попечителю. Радуйся, водительства иноков и инокинь богоносный зиждителю; радуйся, смиренномудрия и кротости доброгласный проповедниче. Радуйся, преподобне Амвросие, богомудрый учителю веры и благочестия.

Кондак 11

Пение умиленное приносим ти, скорому помощнику в нуждах и печалех всем, к тебе с верою и любовью притекающим, до конца дней своих был еси чадолюбивый отец страждущих и обремененных, чающих утешения души. Темже неложно прославляется тобою Бог, дивный во святых Своих, зовущих непрестанно: Аллилуиа.

Икос 11

Светильника добродетелей видеша в тебе вси концы, отче наш Амвросие, яко в терпении и смирении земное странствование скончал еси и исполнил еси вся, яже заповеда нам Христос во Святем учении, и преселился еси от земли на небо, внидя в радость Господа своего, яко верный раб Христов. Темже радуящися, воспеваем ти таковая: Радуйся, усердный слуго, сотворивый волю Господина своего; радуйся, воине Христов, суету житейскую оставивый. Радуйся, Богу единому послуживый; радуйся, вся заповеди Божия исполнивый. Радуйся, обители небесныя удостоивыйся; радуйся, горния славы приобщивыйся. Радуйся, наследниче жизни вечныя; радуйся, угодниче Божий прехвальный. Радуйся, преподобне Амвросие, богомудрый учителю веры и благочестия.

Кондак 12

Благодати Божия сокровище некрадомое унаследовал еси и тихое, безмятежное пристанище на небесех обрел еси. Действием же Промысла Божия во дни торжествуемая тысячелетия Крещения Руси прославлен и к

лику святых причислен был еси, ублажающе память твою святую, поем вси: Аллилуиа.

Икос 12

Поюще твое всероссийское прославление, возносим ти, яко благоухание кадильное, смиренныя наша молитвы, не забуди чад твоих, почитающих имя твое святое и взывающих к тебе в благодарении: Радуйся, Амвросие, Божественнаго безсмертия тезоименитый; радуйся, Церкви Православныя честная похвало. Радуйся, лика святых угодников причастниче; радуйся, сонма преподобных отцев сотаинниче. Радуйся, пред Престолом Бога Всевышняго наш твердый предстателю; радуйся, пред судом Божиим наш теплый ходатаю. Радуйся, нас, странствующих в юдоли плачевней, путеводителю; радуйся, о всей земли Российской неусыпный молитвенниче. Радуйся, преподобне Амвросие, богомудрый учителю веры и благочестия.

Кондак 13

О дивный угодниче Христов и чудотворче, преподобне старче наш Амвросие, приими ныне малое моление недостойных чад твоих, не остави нас в скорбех и болезнях, прииди и простри руку помощи, настави нас на путь покаяния и спасения, во еже избавитися муки вечныя, да тобою присно славим Бога, вопиюще: Аллилуиа.

(Этот кондак читается трижды)

Икос 1

Ангельскому житию подражая, отвергл еси вся красная и скоропреходящая тленнаго мира сего и стопы своя направил еси к духовному учителю и прозорливцу старцу Илариону, да наставит тя на путь истиннаго жительства и благословит на подвиги спасения. Он же, провидев грядущее твое богоугодное житие, посла тя в обитель Оптину, и тамо ты обрел еси себе доброе пристанище. Сие увидевше таковое Божие изволение о тебе, глаголем сиецевая: Радуйся, Богом избранная отрасли благочестия родителей; радуйся, измлада лет твоих Господа возлюбивый. Радуйся, к книжней мудрости усердие от юности имевый; радуйся, святых отцев духоносное учение познавый. Радуйся, скорогибнущих благ мира сего отвержение; радуйся, нетленных сокровищ неослабное желание. Радуйся, Божия произволения о спасении души твоея искавый; радуйся, благословение на путь монашеский получивый. Радуйся, преподобне Амвросие, богомудрый учителю веры и благочестия.

Кондак 1

Избранный угодниче Божий и чудотворче, великий старче Амвросие, Оптинская похвало и всея Руси дивный наставниче, прославляюще твое в подвизах изрядное житие, приносим ти многохвальное пение, ты же, яко имеяй дерзновение ко Господу, молися о всех нас, чадах твоих, со умилением зовущих: Радуйся, преподобне Амвросие, богомудрый учителю веры и благочестия.

Молитва 1

О великий старче и угодниче Божий, преподобне отчн наш Амвросие, Оптинская похвало и всея Руси учителю благочестия! Славим твое во Христе смиренное житие, имже Бог превознесе имя твое еще на земли тебе суца, наипаче же увенча тя небесною честью по отшествию твоём в чертог славы вечныя. Приими ныне моление нас, недостойных чад твоих, чтущих твоим предстательством пред Престолом Божиим от всех скорбных обстояний, душевных и телесных недугов, злых напастей, тлетворных и лукавых искушений, низпосли Отечеству нашему от великодаровитаго Бога мир, тишину и благоденствие, буди непреложный покровитель святыя обители сия, в нейже в преуспейнии сам подвизался еси и угодил еси всеми в Троице славивому Богу нашему, Емуже подобает всякая слава, честь и поклонение, Отцу и Сыну и Святому Духу, ныне и присно, и во веки веков. Аминь.

Молитва 2

О преподобне и богоносне отче наш Амвросие! Ты, поработати Господеву желая, zde вселился еси и неленостно во трудех, во бдениих, в молитвах и постех подвизался еси, и был еси наставник монашествующим, всем же людям учитель ревностный. Ныне убо, по отшествии твоём от земных Небесному Царю предстоя, моли благодать Его, еже ущедрити место селения твоего, святую обитель сию, идеже духом любви твоя неотступно пребываеши, и всем людем твоим, с верою к раце мощей твоих припадающим, во благая прошения их исполнити. Испроси у милостиваго Господа нашего, да ниспослет нам обилие благ земных, паче же яже на пользу душ наших да дарует нам, и скончати житие сие привременное в покаянии да сподобит, в день же судный деснаго предстояния и наслаждения во Царствии своем да удостоит во веки веков. Аминь.

Молитва 3

О всечестный старче преславная и дивная Оптины пустыни, преподобне и богоносне отче наш Амвросие! Церкви нашае доброе украшение и благодатный светильниче, небесным светом всех озаряяй, красный и духоносный плод России и всея подсолнечная, души верных обильно услаждаяй и увеселяяй! Ныне с верою и трепетом припадаем пред цельбоною ракою святых мощей твоих, ихже на утешение и помощь страждущим милостивно даровал еси, смиренно молим тя сердцем и усты, отче святыи, яко всероссийскаго наставника и учителя благочестия, пастыря и врача душевных и телесных недуг наших: воззри на чад твоих, зело согрешающих в словесех и делех, и посети нас многою и святою своею любовию, еуже славно преуспел еси еще во дни земная. А наипаче по праведней твоей кончине, наставляя в правилех святых и богопросвещенных Царствия, идеже несть печаль, ни въздыхание, но жизнь и радость безконечная, изобильно проистекаемая от единого, всесвятаго и блаженнаго источника безсмертия, в Троице покланяемаго Бога, Отца и Сына и Святаго Духа, ныне и присно, и во веки веков. Аминь.